



Bosna i Hercegovina  
Federacija Bosne i Hercegovine  
Tuzlanski kanton  
**OPĆINA GRADAČAC**

H.K.Gradašćevića 54, 76 250 Gradačac, telefon 035-369-750, fax. 035-369-751, e.mail: [opc.grad@bih.net.ba](mailto:opc.grad@bih.net.ba), [www.gradacac.ba](http://www.gradacac.ba)

**Općinska služba za privredu, budžet i finansije**

Broj: 07-22-689/19  
Datum: 20.03.2019. godine

Na osnovu člana 16. Zakona o turističkim zajednicama ("Službene novine Tuzlanskog kantona", broj: 1/15), člana 49. Statuta općine Gradačac ("Službeni glasnik Općine Gradačac" broj: 4/08, 5/12, 1/17, 5/18 i 8/18) i člana 5. stav (5), člana 6. stav (1) tačka a) i člana 12. Odluke o osnivanju Turističke zajednice općine Gradačac ("Službeni glasnik Općine Gradačac" broj: 10/18), Služba za privredu, budžet i finansije objavljuje

**JAVNI OGLAS  
ZA IMENOVANJE NA POZICIJE ČLANOVA SKUPŠTINE  
TURISTIČKE ZAJEDNICE OPĆINE GRADAČAC**

**I. Predmet javnog oglasa**

Objavljuje se javni oglas za imenovanje na pozicije članova skupštine Turističke zajednice općine Gradačac.

Za poziciju člana Skupštine Turističke zajednice općine Gradačac, u skladu sa članom 17. Zakona o turističkim zajednicama ("Službene novine Tuzlanskog kantona", broj: 1/15; dalje: Zakon) i člana 2. Pravilnika o obaveznim članovima turističke zajednice i izgledu i sadržaju obrasca za uplatu članskog doprinosa („Službene novine TK“ broj: 4/16; dalje: Pravilnik) mogu se kandidovati ili biti kandidovani pravna (odnosno njihovi predstavnici) i fizička lica koja na području općine Gradačac imaju sjedište ili bilo kakav organizacioni dio i koja ostvaruju prihod, odnosno čija je temeljna ili pretežita djelatnost iz sljedećih grupa djelatnosti:

- a) trgovina na veliko i malo, popravak motornih vozila i motocikala,
- b) prevoz i skladištenje,
- c) djelatnost pružanja smještaja, te pripreme i usluživanja hrane (hotelijerstvo i ugostiteljstvo),
- d) informacije i komunikacije,
- e) finansijske djelatnosti i djelatnosti osiguranja,
- f) poslovanje nekretninama,
- g) stručne, naučne i tehničke djelatnosti,
- h) administrativne i pomoćne uslužne djelatnosti,
- i) djelatnosti zdravstvene i socijalne zaštite,
- j) umjetnost, zabava i rekreacija,
- k) ostale uslužne djelatnosti.

Broj članova koji se imenuju u Skupštinu turističke zajednice općine Gradačac je 13 (trinaest).

Izbor i zastupljenost pojedine djelatnosti u odnosu na drugu djelatnost vršit će komisija na osnovu Zakona i Pravilnika.

## II. Opis pozicije

Skupština Turističke zajednice općine Gradačac nadležna je da:

- a) donosi Statut,
- b) donosi poslovnik o radu Skupštine,
- c) imenuje i razrješava predsjednika Skupštine iz reda članova Skupštine,
- d) imenuje i razrješava članove Nadzornog odbora Turističke zajednice,
- e) imenuje i razrješava članove Turističkog vijeća,
- f) donosi godišnji program rada i godišnji finansijski plan Turističke zajednice, uz prethodnu saglasnost Općinskog vijeća Gradačac,
- g) usvaja godišnji izvještaj o radu i godišnji finansijski izvještaj Turističke zajednice uz obavezu podnošenja istih i na usvajanje Općinskom vijeću Gradačac,
- h) donosi odluku o osnivanju i organizaciji Turističkog ureda,
- i) donosi odluku o izvještajima koje podnose Nadzorni odbor, Turističko vijeće i predsjednik Turističkog vijeća,
- j) donosi odluke i rješava druga pitanja kada je to predviđeno propisima i ovim statutom.

## III. Mandat

Mandat članova skupštine Turističke zajednice općine Gradačac je 4 (četiri) godine, a članovi mogu biti ponovo birani, odnosno imenovani najviše još jedan mandat.

Predsjednik i članovi skupštine Turističke zajednice općine Gradačac imaju pravo na naknadu za svoj rad, čija se visina utvrđuje godišnjim finansijskim planom i posebnom odlukom Skupštine Turističke zajednice općine Gradačac, koja će se isplaćivati iz sredstava Turističke zajednice općine Gradačac.

## IV. Uslovi za pozicije

Svi kandidati moraju ispunjavati sljedeće uslove:

- a) da je državljanin Bosne i Hercegovine (dokaz: uvjerenje o državljanstvu),
- b) da je stariji od 18 godina (dokaz: izvod iz matične knjige rođenih),
- c) da ispunjava uslove za članstvo u Turističkoj zajednici općine Gradačac (izvod o uplaćenju taksi po osnovu članskog doprinosa regulisanim članom 37., 38., 39. i 40. Zakona o turističkim zajednicama Tuzlanskog kantona za prethodnu godinu),
- d) da nije osuđivan za krivično djelo (izjava ovjerenja od strane nadležnog općinskog organa),
- e) da nije osuđivan za privredni prijestup nespojiv sa obavljanjem dužnosti člana skupštine Turističke zajednice (izjava ovjerenja od strane nadležnog općinskog organa),
- f) da se protiv njega ne vodi krivični postupak (izjava ovjerenja od strane nadležnog općinskog organa),
- g) da ima stečenu najmanje srednju stručnu spremu (dokaz uvjerenje ili diploma o završenom stepenu obrazovanja).

Kandidati koji budu predloženi za imenovanje sa rang liste sa najboljim kandidatima dužni su dostaviti Uvjerenje nadležnog MUP-a da nije osuđivan za krivično djelo, Uvjerenje nadležnog suda da nije osuđivan za privredni prijestup nespojiv sa obavljanjem dužnosti člana skupštine Turističke zajednice i Uvjerenje nadležnog suda da se protiv njega ne vodi krivični postupak u roku od 30 dana od dana utvrđenog prijedloga.

## V. Potrebni dokumenti

Kandidati su dužni, uz potpisanu prijavu, priložiti biografiju, originalne dokumente ili ovjerene kopije dokumenata, ne starije od tri mjeseca, koji su dokaz o ispunjavanju uslova traženih javnim oglasom, u roku od 15 dana od dana posljednjeg objavljivanja javnog oglasa. Javni oglas će biti objavljen u dnevnom listu "Oslobođenje" i na web stranici općine Gradačac [www.gradacac.ba](http://www.gradacac.ba)

## VI. Ostale napomene

Svi kandidati koji budu ispunjavali uslove javnog oglasa bit će pozvani na intervju koji će provesti Komisija za izbor imenovana od strane Općinskog načelnika.

Nakon intervjua Komisija za izbor će predložiti rang listu sa najboljim kandidatima općinskom načelniku na daljnje razmatranje.

U slučaju kada postoje dokazi da principi utvrđeni u članu 3. Zakona o ministarskim, vladinim i drugim imenovanjima Federacije Bosne i Hercegovine ili postupci nisu ispoštovani, zainteresirana stranka može podnijeti prigovor na konačno imenovanje.

Prigovor se podnosi Općinskom načelniku, a kopija se dostavlja Ombudsmenu za ljudska prava Bosne i Hercegovine.

Prijave na javni oglas sa svim traženim dokumentima dostavljaju se u zatvorenoj koverti lično na šalter broj 6 u šalter Sali Općine Gradačac ili poštom preporučeno na adresu:

Općina Gradačac  
H.K.Gradašćevića 54  
76250 Gradačac

uz naznaku na koverti:

"Prijava za člana skupštine Turističke zajednice općine Gradačac  
NE OTVARAJ".

Na poleđini koverte navesti ime i prezime podnosioca prijave, adresu i kontakt telefon.

Obrazac prijave na javni oglas može se preuzeti na šalteru broj 1 u šalter Sali Općine Gradačac i sa web stranice općine Gradačac.

Nepotpune i neblagovremene prijave neće se uzeti u razmatranje.

Pomoćnik Općinskog načelnika

Mustafa Šakić, dipl.ecc

